



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

XXXVIII. Gabaonit. dolus in foedere impetrando &c.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

ti, undique cinctos, impunè trucidant, ne unò quidem suorum desideratò, hostium nullò, ne *stragis* quidem nuntio relicto. Quà clade edità, victor miles in urbem irrumpit; nulli ætati nec sexui parcit [duodecim millia cæsa traduntur] locumque flammis vastatum; æquat solo; rege in furcã auctò. Jumentorum, pecorum, & auri præda dives egesta, militi, tum qui præsens dimicaverat; tum qui iussus ad castra *Galgala* remanserat, universa permittitur; nec ut in Jerichuntis excisione, ferrò flammisve corrumpitur. Captis exinde montibus *Hebale* & *Garizi*, nihil habuit antiquius Imperator, quam ut in *Hebale*, arã Numini dedicatã, victimas immolaret, inque lapidibus Lege Decalogi perscriptã veterem Religionem novo fædere Sanciret cum DEO. Nam sine pietate nullum est pondus armis; & qui victoriam religione coronat, auspiciis novis triumphis præmittit.

NARRATIO. XXXVIII.  
**GABAONITÆ FOEDUS AB HEBRÆIS DOLOSE IMPETRANT.** Josue 9. Anno Mundi 2584. Ante Ch. 1469.

**R**ectè Seneca: & omnibus, inquit, & nemini credere, vitium est. Alterum honestius dixerim vitium, alterum tutius. Jerichuntinorum & Haitarum clades latè rumore nuntio propagata, ingentem ubique terrorem sparsit. Itaque

que *Gabaonitæ* [ ab urbe Regia *Gabaone* dicti, quantum *Hevæi* tenebant, gens una de septem *Chananæis* ] non communi solum omnium *Chananæorum* timore, sed proprio etiam, vicini periculi causâ, commoti, sibi quoquo modo consulere studuerunt. Cùm enim neque armis quidquam [ quamquam Scriptura teste, bellatores fortissimi habebantur ] DEO pro *Hebræis* pugnante, neque precibus se effecturos sperarent, ad fraudem animos intenderunt, compositis in eam rem Legatis, cibarijs, vestibus, cæterisque ad fucum mendacio illinendum accommodatis. Veniunt igitur, qui missi erant à *Gabaonitis*, ad *Josuen*, in *Galgalis* tum stativa habentem, aiunt se famâ rerum admirandarum non humana virtute gestarum, ipsiusque comprimis Imperatoris fortibus factis excitos, advenisse, cùm ut gratularentur victorias de regibus *Amorrhæorum* partas, [ de excidio *Ierichuntis* & *Haie* tacuerunt, quia illud novum & recens erat, nec poterat ad longinquos, quales se fingeant, tam citò pervolare ] tum in societatem fæderis, & communia Sacra admitterentur; neque enim religionem ullam sibi potiore esse, quàm ejus gentis, à qua ceterorum Numinum omnium Cultores profligarentur. Haud quibus dolus tam adornari callidè, quin suspicio quædam tangeret sagaciores *Israëlitarum*; quare non mittunt sciscitari, missine gentis Oratores adessent, longiùs à *Chananitide* remotæ, an regionis ferro suo devotæ incolæ; non enim fas esse per leges suas amicitiam cum ijs inire, quos Numinis effata funditus perditos vellent, & excisos. Hic illi negando persistere, natale sibi solum inter *Chananæos* esse

sed prodigiis ab Hebræorum DEO patratis evocatos, è terra longinqua profectos, non dubitasse se, salutemque suam Israëlitis credere. Atque ut de fide dictorum suspicio nulla relinqueretur, ostendebant panes, quos recentes itineris commeatum sumpserant, mucore consumptos; utres vini novos, ruptos & solutos; vestes & calceamenta longitudine viæ pertusa & detrita; indicio hæc esse, se nihil ex vano referre. Cæterum tam cibaria, quàm vestimenta de industria jam domi ad fallendum [ non procul enim Hierosolymis distabant ] præparata, fraudi conciliârunt fidem.

Josue, qui ceteros suo metiebatur affectu, verâ dixisse ratus [ adeò Sancta temporibus illis erat fides ] explorato præsertim Legatorum habitu, comœtanteque, & adhibitis in consilium proceribus, recipit in deditioem, & amicitiam Gabaonitas. Vix triduum intercessit, cum intellectum est [ fortè à popularibus ] *Gabaonem*, urbem inclitam civibus & copijs affluentem, in vicino sitam, ab *Hevæis*, viris bello claris habitari. Quare reclamare quidam è Ducibus Hebræis, mortisque victimas pronuntiare simulatores perfidos; non tamen immutavit animum Josuæ deprehensa fraus; ne, dum alienam perfidiam arguit, suam ipsè fidem solveret; tantumque valuit juramenti reverentia apud animos religionetactos, ut fidem etiam hosti mentienti datam, nollent infringere. Donantur vita Gabaonitæ; damnantur servitute [ nam fraude jusjurandum extorserant ] jubentur ligna cædere, & aquas ferre ad publicos omnium usus, præsertim Tabernaculi & Altaris, tam parentes, quàm Natiatorum, & qui

nascentur ab illis. Et ideo *Nathinæi* sunt dicti, quia si in perpetuum Templi (quod postea Salomon extruxit) famulatum donati. Ita fieri amat; decipit seipsum, quisquis decipit alios. Fallacem linguam luere mancipatæ manus & scapulæ Mendaciorum redempta vita, empta longa servitus. Potuisset hanc avertere, & illam servare supplex veritas:

NARRATIO XXXIX.  
 PLVRIVM CHANANITIDIS REGVM  
 EXSTIRPATIO VICTORE JOSUA, COELO, SOLE, LUNA JUVANTIBUS.  
 Lib. Jos. cap. 10. 11. 12. Anno Nundi 2584.  
 2585. 2586. &c. Ante Christum. 1469.  
 1468. 1467. &c.

**G**abaonis amicitia cum Hebræis inita, quantum novis fœderatis, ex securitate salutari tantum vicinos apud reges ac populos, transfugio, fuit invidiæ. Quare concitante re tam latè viciniam, *Adonisedeco*, Jerosolymorum rege; (aberat namque Hierosolyma Gabaone hauri amplius duabus leucis, seu horis) priusquam communi consilio, copiisque, Chananitis universarum quæ conjurârat in Josuen, conveniret; *Obas* interrim Hebrónis *Pharas*, *Ierimothæ*; *Iaphias*, *Lachis*; *Dabir*, *Eglonis* reges, stirpis Amorrhææ posteritas, belli facere principium instituunt. Peditatus igitur equitibus fugantibus tantum gaudebat tudentibus enirunt priusquam unum bes que fam